

# Prijedlog pravilnika takmičenja za Prvenstvo Crne Gore u jedrenju na dasci (discipline slalom, formula, )

(vrijedi od 01.01.2009. do 01.01.2010.)

## 1. Opšte odredbe

### 1.1 Obveze organizatora

- Poštovanje ovih pravila u potpunosti.
- Oglas regate mora biti objavljen 14 dana prije predviđenog održavanja regate od strane Organizatora na službenim web stranicama CJS-a kao i matičnoga kluba.
- U slučaju otkazivanja regate organizator mora obavjestiti CJS i članove 5 dana prije predviđenog održavanja regate.
- Distribucija reklamnog materijala takmičarima.
- Dovoljno pitke vode na moru i kopnu za sve takmičare.
- Osigurati sve potrebne dozvole i odobrenja na vrijeme (CJS, Lučka kapetanija).
- Podmiriti sve financijske obveze prema CJS-u u roku 7 dana nakon završetka takmičenja.
- Dostaviti sve propisane izvještaje i rezultate CJS-u I udruženju klase u roku 7 dana nakon završetka regate.
- Osigurati potreban broj sudaca u skladu s Pravilnikom CJS-a.
- Osigurati minimalno dva regatna broda od čega barem jedan snage pogonskog motora veće od 15 KS.

### 1.2. Prava organizatora

- Nezavisnost organizatora u vezi s odlukama koje se odnose natakmičenje.
- Upotreba naziva i znaka kupa.
- Medijska prava.
- Pravo na reklamiranje po vlastitom izboru, a prema važećim Pravilnicima (ISAF, CJS, itd.).

## 2. Pravila takmičenja

### 2.1. Na takmičenjima se primjenjuju slijedeća pravila:

- ISAF Regatna Pravila 2009-2012 (RRS) izmijenjena Dodatkom B (pročišćeni tekst Windsurfing Competition Rules).
- Pravilima klasa FORMULA (IFWC) i FUNBOARD (IFCA) (slalom i freestyle).
- Važeći pravilnici CJS-a uključujući i ovaj Pravilnik.
- U slučaju nesklada između regatnih pravila prevladavaju odredbe ovog Pravilnika.
- Regate su "C" kategorije prema ISAF Kodeksu reklamiranja.

### 2.2. Minimalni uslovi za održavanje regate:

- FORMULA: **7 čvorova** za cijelo vrijeme trajanja predstartne procedure i takmičenja.
- SLALOM: **13 čvorova** za cijelo vrijeme trajanja predstartne procedure i takmičenja.
- Regatni odbor je jedini odgovoran utvrditi jesu li zadovoljeni minimalni uslovi takmičenja.
- Snaga vjetra se odnosi na minimalnu snagu vjetra u polju. Organizator je obavezan osigurati mogućnost mjerenja snage vjetra na liniji starta i cilja istovremeno.
- RO će izbjegavati startne procedure u graničnim uslovima (min. 2 čv. više od minimalnih u).

**2.3.** Da bi se regata u disciplini formula ili slalom organizovala i bodovala moraju biti ispunjeni slijedeći uslovi:

- najmanje 4 takmičara koji su verifikovani od strane CJS-a ili organizatora mora biti prijavljeno na startu I moraju imati valjani rezultat u najmanje jednoj utrci
- najmanje 4 takmičara koji su verifikovani od strane CJS-a, a nisu članovi kluba koji organizuje regatu, mora imati valjani rezultat u najmanje jednoj trci

**2.4.** Tačke 2.1., 2.2. i 2.3. ovog Pravilnika ne mogu se mijenjati od strane Organizatora.

### **3. Podjela takmičara**

**3.1** Takmičari se dijele na: muške i ženske divizije.

**3.2** Kada je registrovano više od 10 takmičara u pojedinoj diviziji, moraju jedriti u odvojenim regatama.

**3.3** Unutar divizija se mogu nagrađivati starosne divizije: Juniori i Mlađi Seniori.

**3.4** Plasman takmičara unutar starosnih divizije izvlači se iz ukupnih rezultata pojedinih divizija.

**3.5** Starosne divizije dijele se kako slijedi:

- Juniori (mlađi od 17. godina) su svi takmičari rođeni 1992. godine i mlađi.
- Mlađi Seniori (17 – 20 god.) su svi takmičari rođeni , 1989. i 1990., 1991. godine.
- Seniori (iznad 20. god.) su svi takmičari rođeni 1988. godine i stariji.

**3.6** Mora biti prijavljeno minimum 6 takmičara/3 takmičarke da bi se bodovali za odvojenju klasu ili diviziju unutar klase.

### **4. Klase i discipline**

**4.1.** Prvenstvo Crne Gore u jedrenju na dasci uključuje dvije discipline - klase:

- FORMULA
- SLALOM

**4.2.** Kad se takmiči više disciplina – klasa na pojedinoj regati, ukoliko dopuštaju vremenski uslovi, treba održati srazmjeran odnos između disciplina.

**4.3.** Rezultati se proglašavaju posebno za svaku disciplinu klasu.

### **5. Prijave i Pred – Prijave**

**5.1.** Ispunjeni obrazac prijave mora se dostaviti Organizatoru e-poštom ili telefakom najkasnije dva dana prije takmičenja i osobno potvrditi u kancelariji regatnog odbora u skladu s vremenom naznačenim u Oglasu regate, pri čemu se oprema ne mora prijaviti prilikom prijave nastupa, ali mora se prijaviti najkasnije 60 minuta prije prvog sastanka jedriličara prema terminu regate iz raspisa (NOR-a) za što Organizator mora osigurati uslove.

**5.2.** Naknadne prijave Organizator može (ali ne mora) prihvatiti uz naplatu 50% više startnine, što treba obavezno naznačiti u Oglasu regate.

**5.3.** Startnina se naplaćuje prema važećem Pravilniku CJS-a.

**5.4.** Ukoliko se takmičar ne prijavi u vrijeme propisano u uputstvima za jedrenje nema pravo ostvarivanja plasmana sa te regate.

### **6. Odgovornost**

**6.1.** Takmičari učestvuju u svim jedrenjima na vlastitu odgovornost. Organizator, ISAF, IFWC, IFCA, IWA, CJS ili bilo koji od zastupnika i službenih lica navedenih organizacija, sponzor ili bilo koji od zastupnika ili njegovih službenih lica neće prihvatiti nikakvu odgovornost za pretrpjele materijalne štete ili osobne povrede ili smrt u vezi ili prije, za vrijeme, ili nakon regate.

**6.2.** Potpisom Prijave takmičar, vlasnik opreme ili njegov predstavnik prihvaća sva Pravila koja se primjenjuju na regati.

## **7. Oprema**

**7.1.** Prijavljena oprema mora zadovoljavati pravila klase. Odgovornost za zadovoljavanje Pravila leži na vlasnicima ili takmičarima samim.

**7.2.** Za disciplinu slalom se mogu koristiti sve daske čija širina ne prelazi 85 cm, jedra čija površina ne prelazi 10,0 m<sup>2</sup> i perajice čija duljina ne prelazi 60 cm, a prema specifikaciji proizvođača.

**7.3.** Za klasu Formula zabranjena je upotreba svih elektronskih uređaja (GPS, satovi s elektronskim kompasom, elektronski kompas, itd.) osim onih kojima je jedina funkcija mjerenje vremena.

**7.4.** Za disciplinu slalom svaki takmičar može prijaviti najviše 2 daske i 3 jedra bez ograničenja na korištenje broja perajica koje se prijavljuju za pojedinu regatu.

**7.5.** Sva prijavljena jedra pojedinog natjecatelja moraju biti jasno označena (slova i brojevi moraju biti na kontrastnoj podlozi) i imati istu oznaku (broj) koji dodjeljuje CJS odnosno udruženje klase.

**7.6.** Dodatna ograničenja se moraju objaviti u oglasu regate.

## **8. Medijska prava i reklamiranje**

**8.1.** Takmičari, vlasnici i njihovi gosti daju Organizatoru sva prava korištenja fotografija, video i audio zapisa osoba, dasaka i opreme prije, za vrijeme i nakon takmičenja u medijima, uključujući reklame, press materijale, za bilo kakve promotivne aktivnosti ili press obavještenja.

**8.2.** Svaki takmičar koji ističe reklamu po vlastitom izboru mora prikazati odobrenje za reklamiranje, izdano od strane CJS-a, prilikom prijave.

**8.3.** Svaki takmičar / daska mora isticati reklamu po zahtjevu Organizatora a prema ISAF Kodeksu reklamiranja i pravilniku o reklamiranju CJS-a.

## **9. Poredak i bodovanje**

**9.1.** Bodovanje će se vršiti u skladu sa ISAF RRS dodatak A, sistem niskih bodova.

**9.2.** Valjanost rezultata:

- Rezultat takmičenja u klasi Formula je valjan za Prvenstvo Crne Gore nakon jedne odvožene regate.
- Rezultat takmičenja u klasi Slalom je valjan za Prvenstvo Crne Gore nakon dvije završene serije.

## **10. Poredak u Kupu**

**10.1.** U ukupni poredak u Kupu Crne Gore biti će uvršteni samo verificirani crnogorski takmičari.

**10.2.** Na regatama koje se boduju za Kup Crne Gore, rezultati za Kup biti će izračunati na način da se izuzmu strani takmičari tj. boduju se samo crnogorski takmičari prema Tački 10.2 ovog Pravilnika.

**10.3.** Takmičari koji nisu učestvovali na regati dobit će ukupno maksimalni broj bodova. Ukupno maksimalni broj bodova čine ukupan broj verificiranih natjecatelja u Kupu Crne Gore uvećan za dva dodatna boda.

**10.4.** Bodovi rezultata sa svih regata (osim odbačenih, vidi 10.6) biti će sabrani i takmičar s najmanjim brojem bodova je pobjednik Kupa.

**10.5.** Takmičar će moći odbaciti najslabije rezultate u sezoni i to po sljedećem ključu:

Broj valjanih regata u Kupu	Broj odbačenih regata u Kupu
1 - 2	0
3 - 4	1
5 - 6	2
7 - 8	3
9 - 10	4
11 - 12	5
13 - 14	6
15 - 16	7

**10.6.** Izjednačeni rezultat će se rješavati u skladu s ISAF RRS B8.8, izjednačenost serija.

**10.7.** Ukoliko se iz opravdanih razloga regata prijavljena CJS-u ne može održati na planiranom mjestu, organizator regate istu može preseliti na alternativnu lokaciju što obavezno mora biti navedeno u raspisu regate.

## **11. Uslovi takmičenja**

### **11.1.** Klasa Slalom:

- Na polju u obliku osmice na startu može biti maksimalno 16 natjecatelja.
- U idući krug napreduje 30-50% prvoplasiranih iz eliminacijskih serija.
- Veliko finale će se održati prije finala poraženih.
- Za downwind slalom nema ograničenja u broju takmičara na startu.

Predlog pravilnika je podložan promjenama te se mole svi zainteresovani da svoje primjedbe i sugestije dostave elektronskim putem na adresu podnosioca pravilnika.

Pravilnik podnio ispred JK Jugole Grakalić , Herceg Novi

Arnaut Nikola

u Herceg Novom

. . 2009 god